



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput XV. a Idem.

[urn:nbn:de:hbz:466:1-74544](#)

steria distracti nequeant sine vito simonia, tanquam
vile aliquid, pro certa vendidi pecunia quantitate,
in ipsorum, & ejus monasterii prejudicium non mo-
dicum, & gravatum. Postmodum vero tu, unde mi-
ramur plurimum, & movemur, non considerans cum
quanta severitate Dominus de templo expulerit ven-
dentes pariter & clementes, occasione hujusmodi ven-
ditionis a premiso conventu juratoriam, & fidei us-
soriam cautionem per violentiam extorsisti, ut ven-
ditionem ratam haberet eandem. & contra eam de-
cetero non venirent, in eos, qui contra venditionem
ipsam veniret, seu consilium, vel auxilium super hoc
conferrent eisdem, excommunicationis sententiam
temeritate propriâ promulgando. Quare fuit nobis
humiliter supplicatum, ut sicut venditionem sancti
Thome Pischoriensis sic & istam irritari misericordi-
ter dignaremur. Nos ergo fraternitati tui deferre,
quantumcum Deo, & honestate possumus, cupientes,
devotioni tue mandamus, quatenus his, quae per te
minas providè factas sunt, in hac parte revocatis pro-
vidè per te ipsum sepe datum conventum àjuramen-
tis, & fidei ussori coram à fidei ussoriibus, quas ab
ipsis proper hoc diceris extorsisse, absolvens peni-
tus, & prefatam excommunicationis sententiam
sine qualibet dilatione, ac difficultate relaxans, ipsos
occasione hujusmodi de cetero non moleste.

C A P U T X V.

Idem.

EA, quæ de bavaritiae, & cupiditatis radice proveniunt, & in speciem simoniaca
pravitatis erumpunt, sunt penitus extirpanda: & quæ de spinis & tribulis pro-
cedunt: falce Apostolici moderaminis sunt resecanda. Audivimus, quod nummos pro
christmate ab Ecclesiis extorqueris, quos nunc e cathedralicu, aliquando a paschalem
prælationem, interdum Episcopalem consuetudinem appellatis. Quia vero hoc simo-
niacum esse cognoscitur, mandamus quatenus prætextu alicujus consuetudinis, vel
prælationis præscriptos denarios nullatenus exigatis; pro certo scituri, quod si hoc
præsumperitis, periculum ordinis & dignitatis poteritis non immerito formidare.

N O T A E.

- I. ^a Idem.) Ita etiam legitur in prima collectione,
sub hoc titul. cap. 15. Sed tam littera, quam in-
scriptio restituenda est *ex cap. eanoscitur de censi-
bus*, ut jam ibi notavi.

b) *Avaricie.*) Quæ procul debet esse ab Ec-
clesiis ministris, ut probant eruditæ Aeneas Robertus
lib. 1. rer. judic. cap. 3, Savarus in notis ad Sidon.
lib. 1. lepist. 8. Mornac. in l. 1. & 3. Cod. de sacrof. Ec-
cles. I. Lucius de arrestis, five placitis Curia, lib. 1.
tit. 3. quam & in sacerdotibus Gentilium repre-
hendit Tercul. in apol. cap. 13. in hac verba:
Sed enim agri tributo honorabiles; hominum
capita stipendio censa ignobilia: nam haec sunt
notæ captiuitatis. Diu vero, qui magis tributarii,
magis sancti, immo qui magis sancti, magis tributa-
rivi majestas quostraria efficit, circuit canponas
religio mendicantis exigitis mercedem prosto tem-
pli, pro aditu: sacris non licet Deos nosse gratias; ve-
nales sunt. Et cap. 44. Non enim sufficiimus, & homi-
nibus, & Diis vestris mendicantibus opem ferre.

c) *Cathedralicum.*) Alia est penititia dicta ca-
thedralicu, quæ justè exigitur à Pralaris Ecclesiæ,
de qua egi in cap. concurrante, de officio ordin.

2. d) *Paschalem prælationem.*) Mutantes nomen,
ut simularent simoniacam exactionem; ut etiam
Athenienses tributorum exactionem mitiori voce
temperantes, non tributum sed regimen civitatis
appellari voluerint. Alex. ab Alex. lib. 3. c. 5.
& de usurario ajebat Sanctus Maximus: Erubescit
nomen usuræ sed peccatum usuræ non erubescit.

C O M M E N T A R I U M.

3. F
- eria quintæ majoris Hebdomadæ christina
conficiendum esse per Episcopos in propriis
Ecclesiis, probavi in cap. quanto, de consuet. & tunc
omnes Parochi debent illud recipere a proprio Epis-
copo, non ab alieno cap. presbyteri, 95, dist. cap.

presbyteri, de consecrat. dist. 4. Concil. Vormat.
can. 60. Concil. Francicum, id est in Francia cele-
braatum sub Carolo Magno Princeps, & Bonifacio I. Archiepiscopo Moguntino, & martyre, Legato
Zacharia Papæ: in cena, ait. Domini semper no-
rum christma Presbyter ab Episcopo querat, ut Epis-
copus testis affiat castitatis, & vita, & fidei, &
doctrina illius. Idem omnino Coicilium Sueffio-
nense apud quintum Medardum, sub Duce Fran-
corum Pepino, & Childerico Rege, ejusdem est
sententia, & Concil. Aquisgran. 2. cap. 8. Capitul. 2.
Statuimus, ut semel in anno, id est in quinta feria,
qua est in cena Domini, unctio olei sancti, in quo sal-
vatio infirmorum creditur, per omnes civitates ab
Episcopis non negligatur, sicut nunc usque neglecta
est sed omni devotione juxta traditionem Apostoli-
cam, ac statuta Decretalium, in quibus de eadem
precipit peragatur; & ilud reverenter deferriri ad
proprias parochias. Concil. Vafense 1. can. 3. ibi:
Oriuia in medio Quadragesima presbyteri debent
petere, & reverenter cum Oriuia, & linteo, sicut
reliquia Sanctorum, deportari debet. Altissiodor. can.
6. Arelat. 4. sub Leone, can. 18. Illustrat Vicecomes
lib. 2. de ritib. Confirm. cap. 25. nec ab alio contingi
potest, quam a Sacerdote. Concil. Arelat. 4. dicto
can. 18. ubi ratio assignatur his verbis: Genus enim
sacramenti est, quod non ab aliis, nisi a sacerdori-
bus, contingi debet: quod si fecerint, honore priven-
tur. Cum ergo presbyteri ipsi acciperent christma
ab Episcopis, usum venireceperit, ut a singulis sacer-
dotibus, qui christmam accipiendi causa ad Eccle-
siam Cathedralem accedebant, tremisses exigeren-
tur, seu aliqua quantitas pecunie pro expensis factis
in oleo, & balsamo. Quam consuetudinem vigil-
se in Hispania, constat ex Concilio Brachar. 2. can.
16. ibi: Placuit, ut modicum balsami, quod bene-
dictum pro baptismo sacramento per Ecclesias da-
tur, quia a singulis tremisses pro ipso exigitur,
nihil ultius exigatur, ne forte, quod pro salu-
te animarum per invocationem sancti spiritus conse-
cratur.

eratur, sicut Simon Magus donum Dei pecuniam voluit emere, ita nosvenundare damnabiliter videamus. In Gallicana Ecclesia eandem corruptelam irrepsisse constat ex privilegio Landerici concessio presbyteris consilientibus intra territorium monasterii sancti Dionysii Parisi, ubi ita legitur: *Sine necessitas eis fuerit, ex nostro, & successorum nostrorum Episcopatu, sine pretio chrisma, & oleum suscipiant. Ex lib. 1. veterum formul. ita habetur: Chrima annis singulis, si voluerint postulare, pro reverentia loci sine pretio concedatur. in alio Privilegio relato à Bignonio in notis ad ipsum caput 1. ita caveretur: Ambianensis Ecclesie Episcopus in Dei nomine benedicat. & chrisma sacrum conficiat sine pretio, & annis singulis pro reverentia Sanctorum sine ullo pretio munericis causâ concedat.* Frustra autem hoc tot privilegiis concederetur, nisi mos fuisse persolventi aliquod pretium pro chrismate, ut considerat Lemaitre lib. 2. de jurib. Episc. cap. 5. Unde variis canonibus Ecclesie PP. hanc corruptelam damnarunt, & aliquid recipi pro chrismate quolibet prætextu vetterunt Concil. Barcinon. sub Recharedo can. 2. ibi: *Ut cùm chrisma presbyteris diaconis pro neophytis confirmandis datur, nihil pro liquoris pretio accipiat.* Cabilon. sub Carolo can. 16. *Quidam fratres dixerunt, conuentus antiqua esse in eorum Ecclesiis, ut pro balsamo emendo ad chrisma faciendum, sive pro luminaribus, Ecclesia concinnandis binos, vel quatuor denarios presbyteri darent.* Unde omnes statim sicut pro dedicandis basilicis, & dandis ordinibus nihil accipiendo est, ita etiam pro balsamo sive luminaribus emendis, nihil presbyteri chrisma accepturi dent. Meldense can. 45. *Nemo Episcoporum, vel quilibet minister ecclesiasticus proper sacrum chrisma aliquid munericis accipiat, nec denarios, vel qualibet munuscula, qua per ministros Episcoporum inordinabiliter exigantur.* Aquisgran. 2. sub Ludovico. p. 1. c. 5. *Emeritense can. 9. Quisquis ab Episcopos sanctum in potestate presbyteris ad distribuendum tempore opportuno accepere chrisma, nihil ab eis beneficii causâ tollere, aut petere presumat.* Oxoniense, can. 21. *Firmiter inhibemus, ne pro aliqua pecunia degenetur sepultura, vel baptismus, vel aliquid ecclesiasticum sacramentum; &c. absurdum esse iudicemus.*

cantes, quod de cetero pro chrismate, vel oleo aliquid exigatur, cùm toties hoc prohibitum esse reperiatur. Synodus Romana in cap. final. 1. q. 3. cap. non satis, cap. in tantum, cap. ad nostram, desimonia. Illustrane Vicecomes deritibus baptissim lib. 5. cap. 5. Bignonius in notis ad dict. cap. 1. veterum formul. Herra in orig. divini officii, lib. 1. cap. 2. Suarez tom. 1. de relig. lib. 4. cap. 4. Bosquetus in notis ad Iacob. lib. 2. epist. 45. Sed in hac pretii acceptione querit Giblinus de simon. q. 12. cons. 1. an simonia committatur. Et resolvit, propriè simoniā non dari, nec ut talem in praesenti improbari, sed tantum ad tollendam avaritiae, & simonia suspicionem id prohibuisse Alexandrum: & ita concludit, chrisma esse materiam tantum simoniā ecclesiastica. Sed cùm PP. dicti Concilii Brachar. exprestè talem exactiōnem pretii, ut simoniādam dāment; quia lato modo in chrismate contineri sacramentum dixerunt PP. Concil. Arelat. 4. can. 18. non auderem negare, simoniā propriè in praesenti dati, cum vendatur res consecrata ad conferendam Spiritus sancti gratiam principaliter, ut docuerunt PP. dicti Concilii Brachar. 2. Nec obstabis si das, vasa consecrata ad divina ministeria posse vendi absque labore simoniā, ut notavi supra in cap. indicatum; & probat Aravio in qq. moralibus. disp. 14. part. 2. art. 3 ergo similiter & chrisma, cum tantum contineat consecrationem ab Episcopo factam. Nam respondeo chrisma annexum esse spiritualibus in primo gradu; nam cùm consecratio etiam res inanimatas quodam modo afficiat virtute supernaturali, ut docent D. Thomas 3. p. 9. 83, art. 3. ad 3. & 4. Turriscremata in c. Ecclesie de consecr. disp. 1. num. 2. Sotus in 4. disp. 13. quaff. 2. art. 3. recte fit, ut temporale illud balsamum, & oleum admixtum consecrationi, eo ipso censeatur annum per confusionem, ac proinde nullo modo absque simoniā vendi possit; in vasibus vero consecratis non est admixta consecratio ipsi argento, seu auro, sed tantum formæ vasorum: & inde est, quod sublata forma evanescit consecratio. Sylvester in summa, verbo Calix. Quocirca sicut argentum, & aurum est separabile à consecratione, ita ejus venditio nullam inducit simoniā.

CAPUT XVI.

Alex. III. a Breare Ricardo.

EX diligenti tua relatione nobis innotuit, quod G. Cant. Archidiacionus te multis promissionibus illexit, & quorundam Magistrorum virorum communitate, ac solitudine induxit, ut ei hominum faceres, & fidelitatem praestares, ita quidem, quod ipse tibi beneficium ecclesiasticum annis singulis exhibere deberet. Unde quoniam hujusmodi obligatio illicita satis, & contra salutis tuæ, nec non & sua profectum existit, sicut tua discrecio nequaquam ignorat, à nobis super hoc absolvit instantius, & suppliciter postulasti, adjiciens, quod ab eo deinceps nihil omnino beneficio constituto acciperes. Quocirca nos tuam in hac parte petitionem honestam, & favorabilem attendentes, te prefati Archiepiscopi hominio, & fidelitate, præsertim cum haec taliter praestita, ddivinis, & humanis legibus contrarie noscantur, ex beati Petri, & nostra etiam auctoritate absolvimus, ita quod ab aliquo Episcopo, sive sacerdote discreto penitentiam inde dignam recipias, & Deo secundum ejus consilium studeas reconciliari. Verum ne aliqua propter haec nota, vel infamia possis respargi, absolutionis nostra litteras tibi duimus indulgentias, quibus contra latrantum morbus tutus, & præmunitus existas, & quas in testimonium indulgentia nostræ valeas demonstrare.

NOTÆ